

## UGOVOR o nabavci robe

Zaključen između Ugovornih strana:

**1. UNIVERZITET U SARAJEVU, Obala Kulina bana br. 7/II, 71000 Sarajevo, koga zastupa rektor prof. dr. Rifat Škrijelj (u daljem tekstu: Ugovorni organ)**

ID broj: 4200494560007

i

**2. PING d. o. o. Jukićeva 36, 71000 Sarajevo, koga zastupa direktor Muamer Bezdrob (u daljem tekstu: Prodavac)**

ID broj: 4200070010007

Broj transakcijskog računa: 1540011100034969 otvoren kod INTESA SANPAOLO BANKA BH

Ovaj Ugovor se zaključuje na osnovu Odluke broj: 0105-4177-6-LOT.2./16 od 14. 09. 2016. godine o izboru najpovoljnijeg ponuđača i dodjeli ugovora, koja je donesena nakon provedenog OTVORENOG POSTUPKA, za koji je Obavještenje o nabavci broj: 999-1-1-289-3-17/16 objavljeno dana 29. 07. 2016. godine na Portalu javnih nabavki BiH i u "Službenom glasniku BiH" broj: 62/16.

### I. PREDMET UGOVORA

#### Član 1.

Predmet ovog Ugovora je nabavka robe:

#### **LOT 2. SISTEM ZA MASOVNU POHRANU PODATAKA**

(u daljem tekstu: roba) za potrebe i po zahtjevu Ugovornog organa, u svemu prema Tenderskoj dokumentaciji broj: 0101-4177-3/16 od 29. 07. 2016. godine (u daljem tekstu: Tenderska dokumentacija) i ponudi Prodavca broj: 213/2016 od 12. 08. 2016. godine (0105-5097/16 od 31. 08. 2016. godine) (u daljnjem tekstu: Ponuda Prodavca), koja čini sastavni dio ovog Ugovora.

### II. CIJENA

#### Član 2.

Cijena robe koja je predmet ovog Ugovora-**LOT 2. SISTEM ZA MASOVNU POHRANU PODATAKA** iznosi:

**48.024,00 KM bez PDV-a**

(slovima: četrdesetosamhiljadadvadesetčetiri KM i 00/100),

**PDV 17 % iznosi: 8.164,08 KM**

**UKUPNA CIJENA ROBE iznosi:**

**56.188,08 KM sa PDV-om**

(slovima: pedesetšesthiljadastotinuosamdesetosam KM i 08/100).

Cijene robe obuhvataju sve troškove do isporuke robe na adresu krajnjeg korisnika Univerzitet u Sarajevu, Univerzitetski tele-informatički centar (UTIC), Zmaja od Bosne bb (Objekat 33), Kampus Univerziteta u Sarajevu, (paritet DDP krajnji korisnik), raspakovano i povezano.

Ugovorena cijena iz stava (1) ovog Člana se ni pod kojim uslovima neće mijenjati tokom perioda realizacije ovog Ugovora.

U cijenu su ukalkulisane carine, takse i ostale dažbine.

### III. MJESTO ISPORUKE

#### Član 3.

Mjesto isporuke robe iz člana 1. ovog Ugovora je: Univerzitet u Sarajevu, Univerzitetski tele-informatički centar, Zmaja od Bosne bb (Objekat 33), Kampus Univerziteta u Sarajevu. Paritet: DDP.

### IV. ROK I NAČIN ISPORUKE

#### Član 4.

Prodavac se obavezuje da će isporuku predmetne robe izvršiti u roku od 45 (četrdeset pet) dana od dana narudžbe od strane Ugovornog organa.

Prodavac je dužan da robu isporuči u originalnom pakovanju i novoproduzvedena.

Isporuka podrazumijeva i predaju detaljne tehničke i korisničke dokumentacije, neophodne za instaliranje, korištenje i održavanje robe-opreme.

#### Član 5.

Ugovorni organ se obavezuje da preuzme robu iz člana 1. ovog Ugovora pod uslovima i u količini navedenoj u Tenderskoj dokumentaciji i Ponudi Prodavca.

Prilikom preuzimanja robe sastavlja se „Zapisnik o prijemu robe“ koji potpisuju ovlaštena lica Ugovornog organa i Prodavca.

Eventualne prigovore na robu Ugovorni organ je dužan iznijeti odmah, prilikom preuzimanja robe, a najkasnije u roku od 5 (pet) dana od dana preuzimanja.

#### Član 6.

Ugovorni organ će odbiti prijem robe za koju Prodavac prilikom isporuke ne dostavi:  
-za stavku broj 1. u specifikaciji: izjavu kojom se potvrđuje da je Prodavac ovlašten za isporuku roba i usluga koje su predmet nabavke, te da će prilikom isporuke roba biti novoproduzvedena i ne starija od 6 mjeseci.  
-za stavku broj 2. u specifikaciji: izjavu od proizvođača ili ovlaštenog distributera kojom se potvrđuje da je oprema nova i nekorisštena.

Ugovorni organ će jednostrano raskinuti ovaj Ugovor, ukoliko nisu ispunjeni uslovi iz prethodnog stava ovog Člana.

#### Član 7.

Prodavac je dužan da Ugovornog organa blagovremeno obavijesti o svim nepredviđenim okolnostima i slučajevima koji onemogućavaju izvršenje nabavke u roku iz člana 4. ovog Ugovora.

Prodavac je dužan da pismenim putem obavijesti Ugovorni organ odmah, a najkasnije 48 (četrdesetosam) sati nakon pojave nepredviđenih okolnosti, kako bi isti, cijeneći nastale okolnosti, mogao da razmatra eventualnu mogućnost produženja ugovorenog roka.

Za svaki dan kašnjenja u isporuci robe do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti robe, a najviše 5 % (pet posto) od ukupno ugovorene vrijednosti robe.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

## V. NAČIN PLAĆANJA

### Član 8.

Ugovorne strane su saglasne da će Ugovorni organ izvršiti plaćanje preuzete robe u roku od (30) trideset dana od dana prijema potpisane i ovjerene fakture od strane Prodavca.

Prodavac dostavlja fakturu na Pisarnicu Univerziteta u Sarajevu, Obala Kulina bana 7/II, 71 000 Sarajevo po izvršenju svih ugovornih obaveza i obostrano potpisanog „Zapisnika o prijemu robe“ bez primjedbi.

Plaćanje se vrši po dospjeću na transakcijski račun Prodavca.

Sredstva za realizaciju ovog ugovora obezbjeđena su iz vlastitih prihoda Ugovornog organa.

## VI. OBAVEZE UGOVORNOG ORGANA

### Član 9.

Ugovorni organ se obavezuje da:

- Prodavcu odredi termin za isporuku predmetne robe;
- izvrši pregled isporučene robe;
- vrati Prodavcu Garanciju za uredno izvršenje ugovora na način utvrđen Ugovorom i Tenderskom dokumentacijom;
- da plati primljenu fakturu Prodavca, u skladu sa članom 8. stav (1) ovog Ugovora.

Forma garancije za uredno izvršenje Ugovora je sastavni dio ovog Ugovora.

## VII. OBAVEZE PRODAVCA

### Član 10.

Prodavac se obavezuje da:

- izvrši sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme robe za prijem;
- snosi sve rizike do konačnog prijema robe od strane krajnjeg korisnika;
- izvrši isporuku robe koja zadovoljava zahtijevane karakteristike i funkcionalnosti ili ima bolje karakteristike od utvrđenih u specifikaciji iz Ponude Prodavca, uz saglasnost Ugovornog organa, na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;

- riješi eventualne reklamacije Ugovornog organa potpisane od strane ovlaštenog predstavnika Ugovornog organa;
- dostavi Ugovornom organu Autorizaciju proizvođača opreme (MAF) ili ovlaštenog distributera, kojom se potvrđuje da je Prodavac ovlašten za isporuku predmetne robe i usluga;
- izvrši instalaciju, konfiguraciju, integraciju sa komponentama ugrađenim u kućište i postojećom mrežnom infrastrukturom, testiranje i puštanje u rad, a sve prema zahtjevu Ugovornog organa, kako je navedeno u Tenderskoj dokumentaciji;
- ispostavi fakturu za isporučenu robu;
- prije podnošenja zahtjeva za naplatu, odnosno sa fakturom, preda Ugovornom organu bezuslovnu bankarsku garanciju za uredno izvršenje ugovora izdatu od strane banke u formi koja je utvrđena Pravilnikom o formi garancije za ozbiljnost ponude i izvršenje ugovora („Sl. glasnik BiH“, broj 90/14), na prvi poziv plativa na iznos od 10% od ukupno izvršene vrijednosti ugovora, sa rokom važnosti garancije 30 dana po isporuci i instalaciji opreme.

## **VIII. GARANCIJA**

### **Član 11.**

Prodavac daje garanciju Ugovornom organu da roba iz člana 1. ovog Ugovora odgovara u svemu tehničkim normativima i važećim propisima.

Prodavac garantuje funkcionisanje i tehničke karakteristike robe iz člana 1. ovog Ugovora i odgovoran je za sve eventualne nedostatke i defekte na isporučenoj robi.

Garantni rok za isporučenu robu je definisan u svemu prema Tenderskoj dokumentaciji i Ponudi Prodavca, koja čini sastavni dio ovog Ugovora.

### **Član 12.**

U garantnom roku Prodavac se obavezuje da odmah započne sa popravkom ili zamjenom i otklanjanjem kvarova i nedostataka na isporučenoj robi, i to najkasnije u rokovima utvrđenim Tenderskom dokumentacijom i Ponudom Prodavca, koja čini sastavni dio ovog Ugovora.

Prodavac preuzima neispravnu i vraća popravljenu robu na lokaciji korisnika ili kroz mrežu ovlaštenih servisa.

Prodavac će u garantnom roku obezbijediti servisiranje, odnosno otklanjanje kvarova na opremi. Servis se realizuje kroz ovlaštene servise proizvođača.

Sve popravke u garantnom roku padaju na teret Prodavca.

Ukoliko Prodavac ne bude u mogućnosti da započne otklanjanje kvarova i nedostataka u roku utvrđenom Tenderskom dokumentacijom i Ponudom Prodavca, od dana prijema obavještenja od Ugovornog organa, Ugovorni organ ima pravo da sam otkloni nedostatke ili da ovaj posao povjeri trećem licu, o trošku Prodavca.

## **IX. RASKID UGOVORA**

### **Član 13.**

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj Ugovornoj strani 15 (petnaest) dana prije raskida.  
Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

## X. ZAVRŠNE ODREDBE

### Član 14.

U skladu sa članom 72. stav (6) Zakona o javnim nabavkama BiH, Prodavac nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 (šest) mjeseci po zaključenju ovog Ugovora, odnosno od početka realizacije ovog Ugovora.

### Član 15.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

### Član 16.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost suda u Sarajevu.

### Član 17.

Ovaj Ugovor stupa na snagu kada ga potpišu i ovjere ovlašteni predstavnici Ugovornih strana. Datum kasnijeg potpisivanja ovog Ugovora, smatra sa datumom stupanja na snagu ovog Ugovora.

### Član 18.

Ovaj Ugovor je sačinjen u 4 (četiri) istovjetna primjerka, od kojih po 2 (dva) primjerka zadržava svaka Ugovorna strana.


ZA UGOVORNI ORGAN  
Rektor

Prof. dr. Rifat Škrijelj



ZA PRODAVCA  
Direktor

Muamer Bezdrob



Broj: 0101-4177-8-LOT2.1/16  
Sarajevo, 17.10.2016

Broj: 68/17  
Sarajevo, 06.02.2017.